

ՀԱՆԴԻՍԱՎՈՐ ՆԻՍՏ՝ ՆՎԻՐՎԱԾ ՀՐԱՉՅԱ ԱՃԱՌՅԱՆԻ ԾՆՆԴՅԱՆ 100-ԱՄՅԱԿԻՆ

Հունիսի 10-ին Հայկական ՍՍՀ գիտությունների ակադեմիայի մեծ դահլիճում տեղի ունեցավ հանդիսավոր նիստ՝ նվիրված Հրաչյա Աճառյանի ծննդյան 100-ամյակին:

Հանդիսավոր նիստը ներածական խոսքով բացեց Հայաստանի գիտությունների ակադեմիայի պրեզիդենտ, ակադեմիկոս Վ. Համբարձումյանը: Խոսելով մեծանուն լեզվաբանի գիտական հարուստ ժառանգության, մանկավարժական բեղմնավոր գործունեության, գիտական կարիերի պատրաստման գործում նրա անխնայ վաստակի մասին, ակադեմիկոս Վ. Համբարձումյանն ասաց.

— Հրաչյա Աճառյանը իր բոլոր գիտակցական կյանքը, լուրարանչուր օրն ու ժամը անմաքսորդ նվիրաբերել է իր ժողովրդին և հայրենական գիտության զարգացմանը: Նրա կյանքը մի վառ օրինակ է բոլոր նրանց համար, ովքեր իրենց նվիրաբերել են գիտությանը:

«Հրաչյա Աճառյանի կյանքը և գիտական գործունեությունը» զեկուցումով հանդես եկավ Հայաստանի գիտությունների ակադեմիայի Հրաչյա Աճառյանի անվան լեզվի ինստիտուտի դիրեկտոր, ՀՍՍՀ ԳԱ ակադեմիկոս Դ. Զահուկյանը:

— Հրաչյա Աճառյանը, — ասաց նա. — եղավ մեր առաջին խոշոր մասնագետ-լեզվաբանը, որը նշանավորեց հայագիտության զարգացման մի ամբողջ շրջան, ի մի բերեց կարևորագույն աշխատանքների արդյունքները, բաց արեց ուսումնասիրության նոր ասպարեզ, մեծ չափով նպաստեց հայագիտության հետագա առաջընթացին: Զեկուցողը բնագծեց Հրաչյա Աճառյանի վաստակը հայոց լեզվի պատմության, հայ բարբառագիտության, հայոց լեզվի փորձառական հնչյունաբանության գիտաճյուղերի հիմնադրման, բառարանագրության, հայերենի ստուգաբանության, հայ անձնանունների ուսումնասիրության, հայերենի համեմատական և պատմական քերականության, տիպաբանական-զուգահրական հետազոտությունների և այլ բնագավառներում:

Այնուհետև Հրաչյա Աճառյանի կյանքից հուշեր պատմեցին Հայաստանի գիտությունների ակադեմիայի ակադեմիկոս Ա. Ղարիբյանը և ՀՍՍՀ ԳԱ թղթակից-անդամ է. Աղայանը, որոնք Հրաչյա Աճառյանին բնութագրեցին որպես մեծ հայրենասերի, գիտնականի և մանկավարժի:

Հ. ՍԻՄՈՆՅԱՆ

ՀՐ. ԱՃԱՌՅԱՆԻ ԾՆՆԴՅԱՆ 100-ԱՄՅԱԿԻՆ ՆՎԻՐՎԱԾ ԴԻՏԱԿԱՆ ՆՍՏԱՇՐՋԱՆ

Հրաչյա Աճառյանի ծննդյան 100-ամյակին էր նվիրված մայիսի 14-ին Երևանի պետական համալսարանի մեծ հանդիսասրահում կայացած գիտական նստաշրջանը:

Ներածական խոսքով նստաշրջանը բացեց համալսարանի դեկտոր, Հայկական ՍՍՀ ԳԱ ակադեմիկոս Մ. Ներսիսյանը:

«Հր. Աճառյանի կյանքն ու գործունեությունը» թեմայով հանդես եկավ ՀՍՍՀ ԳԱ թղթակից-անդամ է. Աղայանը: Զեկուցողը ներկայացրեց մեծ գիտնականի կյանքն ու գիտական գործունեությունը, խոսեց նրա թողած գիտական ժառանգության հրատապության ու կարեւորության մասին, նշելով, որ այն ոչ միայն հայագիտության, այլև հնդեվրոպական լեզվաբանության և բնագիտության լեզվաբանության համար մեծ արժեք է ներկայացնում:

Քարոսները ուսումնասիրելիս Աճառյանը տարիներ շարունակ հավաքում էր գավառական բառերը, որոնք մեր բարբառների ու ժողովրդա-խոսակցական լեզվի հարստությունն են

կազմում, և դրանց հավաքումը, ուսումնասիրությունն ու լեզվաբանական գնահատությունը կարևոր է ոչ միայն հայոց լեզվի պատմական բառագիտության ու բարբառագիտության համար, այլև ժամանակակից հայերենի մշակման ու նրա բառապաշարի հարստացման, ինչպես նաև ազգագրական տեսանկետից: Երկաբ տարիների ընթացքում իր կուտակած նյութը նա ամբողջացրեց «Հայերեն գավառական բառարանում», որն արժանացավ Լադարյան ճեմարանի մրցանակին և հրատարակվեց 1913 թ.:

Իր բարբառագիտական ուսումնասիրությունների մեջ Աճառյանն առաջնորդվում էր պատմահամեմատական մեթոդի սկզբունքով ու դրանց հմուտ գործադրությամբ:

Զեկուցողը նշեց նաև, որ Աճառյանի թողած գիտական ժառանգության մի մասն է միայն ընթերցողների սեփականությունը դարձել: Վերջին տարիներին Երևանի պետական համալսարանի հայագիտական հետազոտությունների կենտրոնը ձեռնամուխ եղավ մեծ հայագետի